

GJALDSKRÁ OG REGLUR

fyrir landssímann.

41

21. apríl

I. KAFLI

Gjaldskrá fyrir talsímanotendur í kaupstöðum og kauptúnum utan Reykjavíkur,
Hafnarfjarðar og Akureyrar.

A. Stofngjald.

1. Fyrir hvert talfæri	kr. 700.00
2. — aukabjöllu	— 140.00
3. — tengikvisl	— 175.00

Ofanefnd gjöld eru lágmarksgjöld. Ef nýlagnir krefjast tiltölulega mikils kostnaðar að dómi póst- og símamálastjórnarinnar, svo sem vegna nýrra staura, nýrra jarðstrengja, nýs skiptiborðs eða rúmleysis á stauraröðum eða í stöðvar- skiptiborðum, verða gjöldin ákveðin af póst- og símamálastjórninni í hvert skipti.

Stofngjöldin greiðast fyrir fram og í síðasta lagi um leið og síminn er tengdur í samband.

B. Árlegt afnotagjald.

I. Stöðvar, sem hafa færri en 150 notendur.

1. Fyrir 1 línu með 1 talfæri	kr. 600.00
2. — 1 línu með 2 talfærum í sama húsi	— 900.00
3. — hvert talfæri fram yfir 2 í sama húsi og á sömu línu	— 300.00
4. — 1 línu með 2 talfærum í 2 húsum	— 1050.00
(þegar stutt er á milli, ef leyft verður)	
5. — vanalega aukabjöllu í sambandi við talfæri	— 75.00
6. — stóra aukabjöllu í sambandi við talfæri	— 120.00
7. — aukaheyrnartól	— 45.00
8. — tengikvisl	— 90.00

Heimili póst- og símamálastjórnin að 1. fl. B. stöð sé opin lengur en hinn venjulega rekstartíma, greiði notendur eða hreppsfélagið helming aukinnar starfs- rannapóknunar fram til kl. 22 og $\frac{3}{4}$ kostnaðar eftir þann tíma.

	Stöðin opin		Allan
II. Stöðvar, sem hafa 150 notendur eða fleiri.	kl. 8—21	kl. 8--24	sólar- bringinn
1. Fyrir 1 línu með 1 talfæri	600.00	670.00	750.00
2. — 1 línu með 2 talfærum í sama húsi	900.00	990.00	1100.00
3. — hvert talfæri fram yfir 2 í sama húsi	300.00	330.00	360.00
4. — 1 línu með 2 talfærum í 2 húsum	1050.00	1150.00	1250.00
(þegar stutt er á milli, ef leyft verður).			
5. — aukabjöllur, aukaheyrnartól og tengikvislar eru gjöldin hin sömu og við stöðvar með færri en 150 notendum. (Sjá B I, 5.—8. lið.)			

Gjöld þau, sem talin eru í 2., 3. og 4. lið undir B I og B II, gilda því aðeins, að sami maður eða sama fyrirtæki hafi öll áhöldin.

Á 2. og 3. flokks stöðvum, þar sem símanotendafjöldinn er undir 10, færst símaafnotagjaldið ofan í kr. 375.00 á ári fyrir 1 línu með 1 talfæri og kr. 525.00 fyrir 1 línu með 2 talfærum í sama húsi og kr. 750.00 fyrir 1 línu með 2 talfærum í 2 húsum (ef leyft verður).

- 41 Ofan nefnd gjöld í 1.—4. lið undir B I og B II hækka um 50% hjá alls konar
21. apríl atvinnu- og verzlunarfyrirtækjum og hjá þeim mönnum, sem að álitni símastjóra nota símann mikið.

Afnotagjald fyrir talsíma greiðist fyrir fram fyrir einn ársfjórðung í senn, og eru gjalddagar 1. virkan dag í janúar, apríl, júlí og október. Þegar um nýtt samband er að ræða, fer hæð gjaldsins í fyrsta sinn eftir því, hve langur tími er eftir af ársfjórðungi þeim, sem stendur yfir, þegar símasambandið er opnað, og telst þá hluti úr mánuði sem heill mánuður.

C. Gjald fyrir flutning á talsímatækjum.

- | | |
|--|------------|
| 1. Milli húsa, fyrir hvert talfæri | kr. 350.00 |
| (Flutningsgjald borgist að fullu, enda þótt síma sé fyrir í því húsi, sem flutt er í.) | |
| 2. Innanhúss, milli herbergja | — 155.00 |
| 3. — í sama herbergi | — 100.00 |
| 4. — fyrir aukabjöllu | -- 100.00 |

Ofan nefnd gjöld, sem nefnd eru undir B og C, eru lágmarksgjöld. Ef nýlagnir krefjast tiltölulega mikils kostnaðar að dómi póst- og símamálastjórnar, svo sem vegna nýrra staura, nýrra jarðstrengja, nýs skiptiborðs eða rúmleysis á staura-röðum eða í stöðvarskiptiborðum, verða gjöldin ákveðin af póst- og símamálastjórninni í hvert skipti.

Flutningsgjöld greiðist fyrir fram, áður en verkið er hafið.

D. Viðtökugjald.

Flytji einhver í hús, þar sem sími er fyrir, eða taki við síma af öðrum manni án breytinga, skal hann greiða viðtökugjald kr. 356.00.

Viðtöku- og flutningsgjald fyrir miðstöðvarborð og önnur áhöld, sem ekki eru nefnd hér að framan, verður ákveðið af póst- og símamálastjórninni í hvert skipti.

E. Tengigjald.

Fyrir hvert talsímaáhold á einkalínu, sem stendur í sambandi við landssíma-stöð, skal greiða tengigjald, kr. 180.00 á ári í kauptúnum og kr. 104.00 í sveitum, þar sem fleiri en einn eru á sömu línu.

F. Leigutími og uppsögn.

1. Engin talsímatæki eru leigð til skemmri tíma en eins árs, er telst frá byrjun næsta ársfjórðungs eftir, að símasambandið er fullgert.
2. Að skemmsta leigutíma liðnum má segja sambandinu upp um ársfjórðungamót með 2 mánaða fyrirvara, og skal það gert skriflega.

II. KAFLI

Gjaldskrá fyrir talsímanotendur í Reykjavík, Hafnarfirði og á Akureyri.

A. Stofngjald.

- | | |
|---|-------------|
| 1. Fyrir 1 línu með 1 síma | kr. 1100.00 |
| 2. — 1 aukasíma í sama húsi með snara án bjöllu (ekki hægt að tala á milli) | — 350.00 |

3. Fyrir 1 aukasíma í sama húsi með snara og bjöllu (ekki hægt að tala á milli)	kr. 400.00	41
4. — 1 aukasíma í sama húsi með bjöllusnara (hægt að tala á milli) —	440.00	21. apríl
5. — 1 aukasíma í sama húsi með sérstaklega útbúnum sínum —	520.00	
6. — aukabjöllu (þó hærra á rökum stöðum)	100.00	
7. — tengil	175.00	

Stofngjöld fyrir miðstöðvarborð verða ákveðin af póst- og símamálastjórninni í hvert skipti eftir gerð borðanna og stærð. Svo er og um önnur tæki og aðrar gerðir símabúnaðar en að framan greinir.

Framangreind gjöld miðast við síma innan takmarka, sem liggja 1 km eftir aðalsímalínu utan Hringbrautar í Reykjavík, en þó lengist þessi fjarlægð upp í 1.5 km utan Hringbrautar til Skerjafjarðar. Í Hafnarfirði og á Akureyri gilda framan- greind gjöld innan þéttbyggðra hluta þessara kaupstaða, samkvæmt nánari ákvörðun póst- og símamálastjórnarinnar. Utan þessara takmarka reiknast viðbótarstofngjald kr. 100.00 fyrir hverja af þrem byrjuðum fyrstu 500 metrunum, en kr. 150.00 fyrir hverja byrjaða 500 metra þar fram yfir, enda reiknast fjarlægðirnar að jafnaði eftir lengd aðalsímalínu. Standi hús meira en 50 metra frá aðalvegi, þar sem aðalsíma- línur liggja, greiðist aukagjald, sem símastjóri ákveður í hvert skipti.

Stofngjöld greiðast fyrir fram, áður en verkið er framkvæmt.

B. Afnotagjald.

Afnotagjöldin ber að greiða ársfjórðungslega fyrir fram, og miðast þau við notkun símans næstsíðasta ársfjórðung á undan.

1. Ársfjórðungsgjöldin eru þessi eftir útförnum samtalfjölda á hverri línu, eins og teljarar í stöðinni sýna:
 - a. Fyrir heimilissíma kr. 180.00, þar í innifalin 800 samtöl, og 20 aurar fyrir hvert samtöl þar fram yfir.
 - b. Fyrir verzlunar- og atvinnusíma kr. 290.00, þar í innifalin 800 samtöl, og 20 aurar fyrir hvert samtöl þar fram yfir.

Hjá notendum, sem hafa 2 eða fleiri línur í miðstöðvarborðsreit stöðvar- innar, er flokkunin miðuð við meðalsamtalfjölda á línunum. Þeir, sem hafa tvö eða fleiri samfelld númer í miðstöðvarborðsreit, en ekkert miðstöðvarborð, greiða aukagjald, sem símastjóri ákveður.

Framangreind afnotagjöld miðast í Reykjavík við Reykjavíkurbæ og Sel- tjarnarnes allt inn að Elliðaám og þaðan um Bústaðaveg, Réttarholtsveg og Fossvogsveg beina leið í Fossvog. Í Hafnarfirði og á Akureyri gilda framan- greind gjöld innan þéttbyggðra hluta þessara kaupstaða, samkvæmt nánari ákvörðun póst- og símamálastjórnarinnar. Utan þessara takmarka reiknast fjarlægðargjald, kr. 15.00 ársfjórðungslega, fyrir hverja af þrem byrjuðum fyrstu 500 metrunum, en kr. 20.00 fyrir hverja byrjaða 500 m þar fram yfir, enda reiknast fjarlægðirnar að jafnaði eftir lengd símalínu.

Heimilt er símastjóranum að synja þeim um síma eða loka sínum þeirra, sem að hans athugun og dómi hafa verulega slæm áhrif á afgreiðslu sjálfvirku símastöðvarinnar.

Sé lína einhvers notanda oft á tali að dómi símastjóra, getur stofnunin krafizt þess, að notandinn bæti við sig línu.

Samtöl milli Reykjavíkur og Hafnarfjarðar (eða Hf. og R.) geta varað allt að 5 mínútum og teljast sem 3 innanbæjarsamtöl.

Notendur mega ekki selja afnot af sínum þeim, er þeir hafa, án sérstaks leyfis frá símastjóranum.

41 2. Ársfjórðungsgjald.

21. apríl

Fyrir 1 aukasíma í sama húsi með snara án bjöllu (ekki hægt að tala á milli)	kr. 45.00
— 1 aukasíma í sama húsi með snara og bjöllu (ekki hægt að tala á milli)	— 50.00
— 1 aukasíma í sama húsi með bjöllusnara (hægt að tala á milli)	— 65.00
— 1 aukasíma í sama húsi með sérstökum sínum (hægt að tala á milli)	— 70.00
— 1 tengil	— 10.00
— 1 aukabjöllu (þó hærra á rökum stöðum)	— 10.00

3. Afnotagjöld fyrir þá notendur, sem hafa miðstöðvarborð, reiknast ársfjórðungslega þannig:

a. Línugjald eftir samtalfjölda samkvæmt ákvæðum í 1. lið.

b. Miðstöðvarborðsgjald fyrir hvert númer í borðinu:

kr. 18.00 fyrir handvirk borð (CB).

— 30.00 fyrir sjálfvirk borð (PBAX).

Gjöld þessi eru miðuð við venjulega gerð miðstöðvarborða. Fyrir sérstakar gerðir fer eftir samningi í hvert skipti.

c. Talfæragjald: kr. 45.00 fyrir hvert talfæri.

Afnotagjöld þau, sem talin eru í 1., 2. og 3. lið hér að framan, gilda því aðeins, að sami maður eða sama fyrirtæki hafi öll áhöldin.

C. Flutningsgjald.

1. Milli húsa, fyrir hvert talfæri	kr. 550.00
(Flutningsgjald borgist að fullu, enda þótt sími sé fyrir í því húsi, sem flutt er í.)	
2. Innanhúss, milli herbergja	— 155.00
3. — í sama herbergi	— 100.00
4. — fyrir aukabjöllu	— 100.00

Sé um óvenjulega kostnaðarsaman innanhússflutning að ræða, eða önnur áhöld, sem ekki eru nefnd hér að framan, greiðist kostnaðurinn samkvæmt reikningi.

Flutningsgjald miðast við sama svæði og stofngjöldin, enda eru fjarlægðargjöld við flutning hin sömu og þar segir.

D. Viðtökugjald.

Flytji einhver í hús, þar sem sími er fyrir, eða taki við síma af öðrum manni, skal hann greiða viðtökugjald kr. 550.00.

Viðtöku- og flutningsgjald fyrir miðstöðvarborð og önnur áhöld, sem ekki eru nefnd hér að framan, verður ákveðið af póst- og símamálastjórninni í hvert skipti.

E. Leigutími og uppsögn.

1. Engin talsímatæki verða leigð til skemmri tíma en eins árs, er telst frá byrjun næsta ársfjórðungs, eftir að símasambandið er fullgert.

2. Að skemmsta leigutíma liðnum má segja sambandinu upp um ársfjórðungamót með 2 mánaða fyrirvara, og skal það gert skriflega.

III. KAFLI

Notendasímar landssímans í sveitum.

41

21. apríl

Um notendasíma landssímans í sveitum gilda eftirfarandi almennar reglur:

1. Stofngjald fyrir hvern síma er kr. 1000.00. Sé um sérstaklega örðugar eða kostnaðarsamar lagnir að ræða, ákveðst stofngjaldið af póst- og símamálastjórninni í hvert skipti eða eftir samkomulagi.
2. Landssíminn viðheldur og rekur símana, en símanotendur greiði til landssímans árlegt afnotagjald sem hér segir:

Fyrir hvern síma í sambandi við:

3. fl. landssímastöð	kr. 200.00
2. fl. —	— 280.00
1. fl. B. —	— 360.00
1. fl. A. —	— 420.00

3. Síminn fylgir jörðinni, og má ekki rifta því. Nýr ábúandi á jörðinni þarf ekkert viðtökugjald að greiða til landssímans.
4. Flutning á símanum, ef notandi óskar, greiði hann eftir reikningi. Þegar um flutning vegna nýbyggingar er að ræða, getur þó komið til mála, að landssíminn beri nokkurn hluta kostnaðarins.
5. Leggist jörð í eyði eða ef ábúandi vill ekki hafa símann, má taka símann burtu. Línuna skal þó ekki taka niður á fyrsta ári, ef líkur benda til, að jörðin verði aftur byggð eða ábúendaskipti verði.
6. Við nýlagningu annast hlutaðeigendur á sinn kostnað flutning efnis frá skips-hlið á Eimskipafélagshöfn út á línustæðið, svo og dreifingu efnisins þar.
7. Símanotendur eru að sjálfsögðu háðir sömu reglum og venjum, sem almennt gilda um meðferð simatækja og starfrækslu notendasíma.
8. Landssíminn hefur að sjálfsögðu, hvenær sem er, heimild til að fjölga símum út frá notendasímalínunum eða í framhaldi af þeim.

IV. KAFLI

Loftskeytastöðvar og firðtalstöðvar.

A. Stöðvar í skipum.

1. Skipseigandi eða útgerðarfélag, sem óskar að taka á leigu loftskeytastöð eða talstöð í íslenskt skip, sendi skriflega umsókn um það til póst- og símamálastjórnarinnar, sem gefur út leyfisbréf fyrir stöðina og önnur skirteini.
2. Landssíminn leggur til senditæki og viðtæki með lömpum af þeirri gerð tækja, sem eru til leigu á hverjum tíma og umsækjandi óskar eftir. Tækin eru eign landssímans, og leigir hann skipseiganda þau til afnota í skipinu. Landssíminn annast uppsetningu tækjanna, sem skipseigandi greiðir eftir reikningi. Leigutaki skal sjá um, að rafmagn með hæfilegri orku og spennu sé fyrir hendi og leitt að tækjunum, svo og um alla trésmiðavinnu og aðra vinnu en rafmagns-uppsetningu tækjanna. Einnig skal leigutaki kaupa rafgeyma, rafhlöður og hleðsluspjöld fyrir stöðina og kosta lögn frá rafgeymum til hleðsluspjalda.
3. Leigutaka ber að sjá um, að enginn starfræki stöðina nema sá, sem hefur fengið skirteini frá póst- og símamálastjórninni, er heimili honum að gæta slíkrar stöðvar (skirteini loftskeytamanns eða talstöðvarvarðar). Stöðin er þó ávallt undir yfirumsjón skipstjóra, sem líti eftir, að stöðin sé vel með farin og geymd.
4. Bæði stöðvarverði og skipstjóra er skylt að undirrita þagnarheit og haga starfrækslunni í einu og öllu samkvæmt fyrirmælum landssímans og hlíta þeim

41
21. apríl

- ákvæðum og reglum, sem settar eru og settar kunna að verða um starfrækslu slíkra stöðva. Verði misbrestur á þessu, getur póst- og símamálastjórnin afturkallað leyfisbréf stöðvarinnar, lokað henni eða tekið hana úr skipinu.
5. Landssíminn annast viðhald vegna eðlilegs slits sendi- og viðtækja, að undanskildu viðhaldi loftneta, rafgeyma, rafhlaðna, hleðslubúnaðar og lampa, en kostnað af því ber leigutaki. Leigutaki ber og kostnað af viðgerðum og hreinsun tækjanna, er stafar af slæmri meðferð eða vanhvirðu þeirra, meðan þau eru í vörzlu hans.
 6. Leigutaki er skyldur að hafa tækin að fullu váttryggð á sinn kostnað gegn hvers konar tjóni, og ber honum að greiða landssímanum tryggingarupphæðina, ef tækin eyðileggjast og hlutfallslega fyrir skemmdir, enda á landssíminn beinan rétt til váttryggingarfjárins.
 7. Leigutaki er skyldur að koma tækjunum til skoðunar til eftirlitsmanna landssímans í Reykjavík að minnsta kosti einu sinni á ári, eða annars staðar, ef það verður að samkomulagi. Gjaldið fyrir hina árlega stöðvarskoðun er innifalið í leiguupphæðinni.
 8. Leigutaki skal greiða stofngjald fyrir stöðina áður en uppsetningu er lokið, svo og leigu til næsta gjalddaga. Leiga fyrir talstöðvar greiðist í einu lagi fyrir fram fyrir hvert almanaksár, og reiknast brot úr ári sem heilt ár. Leiga fyrir loftskeytastöðvar greiðist ársfjórðungslega fyrir fram, og reiknast brot úr ársfjórðungi sem heill ársfjórðungur. Minnsti leigutími er 2 ár samfleytt fyrir stöðvar 20 watta eða minni, en 3 ár fyrir stærri stöðvar.

Séu ársleigur ekki greiddar fyrir 1. apríl og ársfjórðungsleigur ekki fyrir 15. hvers fyrsta ársfjórðungsmánaðar, getur landssíminn lokað senditækjunum þannig, að aðeins megi nota þau í neyð. Verði þrátt fyrir það leigur ekki greiddar innan 1 mánaðar þar á eftir, getur landssíminn tekin hin leigðu tæki úr skipinu. Sama gildir, ef reikningar fyrir uppsetningu og aðgerðir á radióbúnaði í skipum, sem framkvæmdar eru af landssímanum, eru ekki greiddar innan eins mánaðar eftir að aðgerð fór fram.

9. Stofngjöld, leigur og váttryggingarupphæðir fyrir helztu gerðir radiótækja eru sem hér segir:

Gerð B. Loftskeytasendir (250 wött, 600 m svið og stutthylgjusvið) ásamt viðtæki 4 lampa (15—20000 m).

Stofngjald	kr.	1650.00
Ársfjórðungsgjald	—	575.00
Váttryggingarupphæð	—	18000.00

Gerð C. Loftskeytasendir (150 wött, 600 m svið).

Stofngjald	kr.	990.00
Ársfjórðungsgjald	—	415.00
Váttryggingarupphæð	—	12000.00

Gerð D. Loftskeytasendir (400 wött, 600 m svið).

Stofngjald	kr.	1650.00
Ársfjórðungsgjald	—	575.00
Váttryggingarupphæð	—	18000.00

Gerð E. Talsendir (15 wött, 182 m svið).

Stofngjald	kr.	660.00
Ársleiga	—	990.00
Váttryggingarupphæð	—	6750.00

Gerð F. Talsendir (10 wött, 6 fastar bylgjur á 182 m sviðinu).

Stofngjald	kr.	396.00
Ársleiga	—	790.00
Vátryggingarupphæð	—	5400.00

41

21. apríl

Gerð G-12. Talsendir (4 wött, 2 fastar bylgjur á 182 m sviðinu).

Stofngjald	kr.	165.00
Ársleiga	—	560.00
Vátryggingarupphæð	—	3750.00

Gerð GV. Talsendir (10 wött, 3 fastar bylgjur á 182 m sviðinu).

Stofngjald	kr.	330.00
Ársleiga	—	600.00
Vátryggingarupphæð	—	4500.00

Gerð M. Loftskeyta- og talsendir (60/25 wött, 600 m og 182 m sviðið).

Stofngjald	kr.	990.00
Ársleiga	—	1190.00
Vátryggingarupphæð	—	9000.00

Gerð VE. Viðtæki fyrir tal og loftskeyti.

Stofngjald	kr.	330.00
Ársleiga	—	396.00
Vátryggingarupphæð	—	3600.00

Gerð VF. Viðtæki til að tengja við talsendi, gerð F eða GV.

Stofngjald	kr.	264.00
Ársleiga	—	264.00
Vátryggingarupphæð	—	2100.00

Gerð VEM-1. Miðunarbúnaður (með inniramma).

Ársleiga	kr.	198.00
Vátryggingarupphæð	—	1200.00

Gerð VEM-2. Miðunarbúnaður (með útiramma).

Stofngjald	kr.	330.00
Ársleiga	—	495.00
Vátryggingarupphæð	—	3000.00

Gerð VFF. Formagnari fyrir miðunarbúnað.

Ársleiga	kr.	135.00
Vátryggingarupphæð	—	900.00

Stofngjöld, leigur, vátryggingargjöld o. þvl. fyrir aðrar gerðir radiótækja ákveður póst- og símamálastjórnin í hvert skipti.

10. Stöðvar þær og tæki, er landssíminn lætur á leigu, eru að sjálfsgöðu háðar hinum almennu reglum, innlendum og alþjóðlegum, er gilda um slíkar stöðvar og rekstur þeirra á hverjum tíma, og getur landssíminn afturkallað leyfisbréf stöðvar, lokað henni og tekið úr skipinu, ef settar reglur eru ekki haldnar.

41
21. apríl

B. Firðtalsstöðvar, sem landssíminn lætur á leigu til afskekkttra bæja, þar sem símar ná ekki til.

1. Sá, sem óskar að taka á leigu firðtalsstöð til afnota á afskekktum bæ, sendi skriflega umsókn til póst- og símamálastjórnarinnar og tilgreini þar nauðsyn þess og aðrar aðstæður.
2. Landssíminn leggur til senditæki og viðtæki með lömpum af þeirri gerð tækja, sem leigð eru á hverjum tíma. Leigutaki kostar uppsetningu tækjanna samkvæmt fyrirsögn landssímans, svo og uppsetningu loftnets og jarðsambands. Enn fremur slíkra leigutaki sjá um, að rafmagn með hæfilegri orku og spennu sé fyrir hendi og leitt að tækjunum og kosti rafhlöður, rafgeyma og hleðslu-útbúnað þeirra.
3. Leigutaka eða þeim, sem á að starfrækja stöðina, er skylt að undirrita þagnarheit og haga starfrækslunni í einu og öllu eftir fyrirmælum landssímans og hlíta þeim ákvæðum og reglum, sem settar eru eða settar kunna að verða um starfrækslu slíkra stöðva. Verði misbrestur á þessu, getur póst- og símamálastjórnin afturkallað starfræksluleyfi stöðvarinnar, lokað henni eða tekið hana burtu.
4. Leigutaka ber að sjá um, að vel sé með stöðina farið og henni sé haldið þurri og hreinni.
5. Landssíminn ber kostnað af viðgerðarvinnu og efni til stöðvarinnar vegna eðlilegs slits, að undanskildu viðhaldi loftnets, rafgeyma, rafhlaðna, hleðslubúnaðar og viðtökulampa, en kostnað af því ber leigutaki. Leigutaki ber og kostnað af viðgerðum og hreinsun tækjanna, er stafar af slæmri meðferð eða vanhvirðu þeirra, meðan þau eru í vörzlu hans, svo og ferðalagi viðgerðarmanns, ef viðgerðar er þörf.
6. Leigutaki er skyldur að hafa tækin að fullu váttryggð á sinn kostnað gegn hvers konar tjóni, og ber honum að greiða landssímanum tryggingarupphæðina, ef tækin eyðileggjast, og hlutfallslega fyrir skemmdir, enda á landssíminn beinan rétt til váttryggingarfjárins.
7. Firðtalsstöð leigutaka skal afgreiða einungis við þá eða þær talstöðvar landssímans, sem póst- og símamálastjórnin ákveður og á þeim stöðum, sem póst- og símamálastjórnin tiltekur, og má ekki, — nema um neyðarráðstöfun sé að ræða —, hafa viðskipti við aðrar stöðvar, hvort heldur fastastöðvar eða farstöðvar.
8. Fyrir hvert 3 mínútna viðtalsbil eða hvert 10 orða talskeyti, önnur en þjónustuskeyti og veðurskeyti, milli stöðvar leigutaka og þeirrar stöðvar landssímans, sem afgreitt er við, er gjaldið kr. 4.00, en 40 aurar fyrir hvert orð þar fram yfir, og skiptist til helminga milli leigutaka og landssímans, en auk þess greiðist venjulegt skeytagjald til landssímans, ef skeytið á að ganga lengra en til þeirrar landssímastöðvar, sem stöð leigutaka afgreiðir við. Af skeytum, sem tekið er við frá öðrum stöðvum landssímans, má ekkert gjald taka.
9. Ársleigan greiðist í einu lagi fyrir fram fyrir 1. apríl ár hvert. Minnsti leigu-tími er 2 ár.
10. Stofngjald, leiga og váttryggingarupphæð fyrir hinar ýmsu gerðir tækja er hið sama og fyrir sams konar tæki samkvæmt A. 9. lið þessa kafla.

V. KAFLI
Símtalagjöld.

41

21. apríl

A. Símtalagjöld innanlands

eru sem hér segir fyrir hvert 3 mínútna viðtalsbil. Hvert byrjað viðtalsbil telst sem heilt.

1. Venjuleg símtöl:

Um	0—25 km línulengd	kr.	2.00
—	25—100 — —	—	4.00
—	100—225 — —	—	6.00
—	225—350 — —	—	8.00
	Yfir 350 — —	—	10.00

2. Hraðsímtöl: 3-falt venjulegt símtalagjald.

3. Forgangshraðsímtöl: 10-falt venjulegt símtalagjald.

4. Kvaðning: kr. 1.00.

5. Boðsending: kr. 3.00 fyrir hvern byrjaðan kílómetra út frá símastöðinni. Boðsendingargjaldið greiðist, hvort sem nokkuð verður úr símtalinu eða ekki.

B. Símtalagjöld milli Íslands og annarra landa

fara eftir alþjóðasamþykktum og milliríkjasamningum, og tilkynnir póst- og síma-
málastjórnin þau, eins og þau eru á hverjum tíma.

C. Radió-símtöl við skip og báta í hafi.

Gjald fyrir símtöl um íslenskar strandarstöðvar er fyrir íslensk skip samanlagt:

- Venjulegt símtalagjald milli strandstöðvarinnar og þess, sem talar í landi, þó minnst 3 krónur fyrir viðtalsbilið.
- Strandargjald kr. 10.00 fyrir hvert byrjað viðtalsbil.
- Skipsgjald. Engin önnur íslensk skip en farþegaskip taka skipsgjald, sem er kr. 2.00 fyrir viðtalsbilið. Gjöld fyrir radió-símtöl við erlend skip eru tilgreind í alþjóðagjaldskrá fyrir skip og strandarstöðvar.

VI. KAFLI
Símskeytagjöld.

A. Gjald fyrir innanlandsskeyti

er sem hér segir:

- Venjuleg símskeyti: 40 aurar fyrir hvert orð. Minnsta gjald kr. 4.00.
- Innanbæjarskeyti: 25 aurar fyrir hvert orð. Minnsta gjald kr. 2.50.
- Blaðaskeyti: 10 aurar fyrir hvert orð. Minnsta gjald kr. 2.00.
- Hraðskeyti: Tvöfalt venjulegt skeytagjald. Minnsta gjald kr. 8.00.
- Veðurskeyti: Sama og venjulegt skeytagjald. Minnsta gjald einnig hið sama. Veðurskeyti hafa þó forgang fyrir öðrum skeytum.
- Heillaskeyti: Sama gjald og fyrir venjulegt símskeyti, en auk þess greiðist auka-
gjald fyrir skrauteyðublöð, kr. 4.00—10.00 eftir gerð eyðublaðsins.
Jóla- og nýársskeyti með ákveðnum textum kosta kr. 9.00 milli stöðva, en innanbæjar kr. 7.00.
- Samúðarskeyti: Ekkert gjald til landssímans. Sendanda er í sjálfsvald sett, hve mikið hann greiðir, og rennur upphæðin óskorin til Landspítalaskjóðs.

- 41 8. Loftskæyti og talskæyti: Gjald fyrir loftskæyti og talskæyti um íslenzkar strandarstöðvar er samanlagt:
21. apríl
- a. Venjulegt innanlands símskæytagjald.
 - b. Strandargjald, 60 aurar fyrir orðið.
 - c. Skipsgjald. Engin önnur íslenzk skip en farþegaskip taka skipsgjald, sem er 20 aurar fyrir orðið. Erlend skip taka yfirleitt 10 til 40 gullcentimes skipsgjald fyrir orðið.
- Fyrir loftskæyti er ekkert ákveðið lágmarksgjald.
9. Afhending símskæyta í talsíma til eða frá talsímanotanda kostar kr. 1.75 fyrir hver 100 orð eða færri, þó nær þetta ákvæði ekki til einkasíma í sveitum.
 10. Afturköllun á símskæyti kostar 75 aura, ef ekki er farið að senda það frá afhendingarstöðinni.
 11. Sendiferðir með símskæyti. Símskæyti eru send ókeypis allt að 1 kílómetra frá símastöð. Ef símskæyti eiga að sendast lengra, skal greiða kr. 3.00 fyrir hvern kílómetra. Þetta gildir um fjarlægð, er nemur allt að 10 km, og undir venjulegum kringumstæðum. Þegar vegalengdin er meiri, skal greiða hæfilegt burðargjald, er ákveðið verður í hvert skipti.
 12. Fyrirfram greitt svar (RP). Ef sendandi óskar að greiða gjald fyrir svarskæyti, skal skrifa RP fyrir framan nafnkveðjuna og tiltaka jafnframt orðafjölda svarskæytisins. RP10 þýðir, að svar sé greitt fyrir 10 orða skæyti.
 13. Margar nafnkveðjur (TM). Afritunargjald fyrir hverja utanáskrift fram yfir þá fyrstu, er kr. 3.00 fyrir hver 50 textaorð eða færri, en kr. 1.50 fyrir hver 50 orð eða færri þar fram yfir. Fleiri en eina nafnkveðju er aðeins hægt að nota til einnar og sömu símastöðvar.
 14. Samanburður til tryggingar gegn missímum (TC). Aukagjald er helmingur venjulegs símskæytagjalds.
 15. Viðtökuskírteini símleiðis (PC). Gjaldið er sama og fyrir 6 orða símskæyti í viðskiptum við útlönd og 10 orða símskæyti í innanlandsviðskiptum. Fyrir viðtökuskírteini, sem sendast á í pósti (PCP), er gjaldið sama og pósthurðargjald undir einfalt bréf.

B. Símskæytagjöld til útlanda

ákveðast af alþjóðasamþykktum og milliríkjasamningum, og tilkynnir póst- og símamálastjórnin þau, eins og þau eru á hverjum tíma.

VII. KAFLI

Afnot landssímalína til skákkeppni gegn niðursettu gjaldi.

1. Fyrir afnot landssímalína til skákkeppni greiðist $\frac{1}{4}$ venjulegs símtalagjalds á tímabilinu frá 1. október til 30. apríl kl. 21.00—08.00. Lágmarksgjald miðast þó við þriggja stunda notkun á línunum. Hver byrjuð klukkustund telst sem heil. Á öllum öðrum tímum en þeim, sem að framan getur, reiknast fullt gjald, samkvæmt símtalagjaldskrá landssímans (sbr. V. kafla).
2. Umsóknir um afnot landssímalína til skákkeppni gegn niðursettu gjaldi skulu koma frá Skáksambandi Íslands og sendar skriflega til ritsímastjórans í Reykjavík með minnst sólarhrings fyrirvara. Óskir um niðursett símgjöld til skákkeppni frá öðrum en Skáksambandi Íslands verða eigi teknar til greina.

VIII. KAFLI

Önnur tæki og línur.

41

21. apríl

A. Fjarritvélasambönd.

I. Stofngjald.

1. 1 samband (2 fjarritvélar og lína á milli)	kr. 5000.00
2. 1 aukafjarritvél í sama húsi	— 2500.00
3. 1 aukafjarritvél í öðru húsi og lína þangað (ef leyft verður)	— 3500.00

II. Árlegt afnotagjald.

1. 1 samband (2. fjarritvélar og lína á milli)	kr. 7700.00
2. 1 aukafjarritvél í sama húsi	— 3700.00
3. 1 aukafjarritvél í öðru húsi og lína þangað (ef leyft verður)	— 4150.00

Framangreind stofngjöld og afnotagjöld eru miðuð við venjulega gerð fjarritvéla (gerð nr. 14 eða nr. 15) og við línu allt að 1 km frá símastöðinni, ef hún er til í jarðstreng á milli húsanna, sem fjarritvélar eru í, en sé um lengri línu eða nýlögna að ræða eða uppsetningin krefst að öðru leyti tiltölulega mikils kostnaðar að dómi póst- og símamálastjórnar, verður stofngjald og afnotagjald ákveðið af póst- og símamálastjórninni í hvert skipti.

Í afnotagjöldum er fölginn viðhaldskostnaður á fjarritvélum og línunum. Hverri fjarritvél fylgja við uppsetningu 4 rúllur af pappír, en upp frá því kostar notandi pappírinn.

Stofngjald greiðist fyrir fram, áður en uppsetning er hafin, og afnotagjöld ber að greiða ársfjórðungslega fyrir fram, og eru gjalddagar 1. virkan dag í janúar, apríl, júlí og október. Hluti úr mánuði telst sem heill mánuður við fyrsta reikning.

Leigutaki er skyldur að hafa hverja fjarritvél, sem er í hans vörzlu, vátryggða gegn hvers konar tjóni fyrir kr. 25000.00.

Stytztí leigutími er eitt ár. Uppsagnarfræstur 6 mánuðir, og er hann gagnkvæmur.

B. Jarðsímálínur.

Séu jarðsímálínur látnar á leigu, skal stofngjaldið ákveðið í hvert skipti, en árleg leiga á hvern km vera þessi:

1. Fyrir 1 línu í langlínustreng 1.4 mm	kr. 500.00
2. Fyrir 1 línu í langlínustreng 0.9 mm	— 390.00
3. Fyrir 1 línu í innanbæjarstreng 0.6—0.7 mm	— 250.00

Skemmstur leigutími sé ákveðinn með samningum í hvert skipti, en uppsagnarfrestur sé 6 mánuðir, og er hann gagnkvæmur.

IX. KAFLI

Skrásetning símnafna.

Fyrir skrásetningu á símnafni greiðist kr. 165.00 á ári. Sé sama símnafni skrásett á fleiri en 10 símastöðvum, greiðist þó aðeins kr. 30.00 fyrir hverja skrásetningu þar fram yfir. Gjaldið greiðist fyrir fram fyrir almanaksárið. Brot úr ári telst sem heilt ár. Uppsagnarfrestur er 3 mánuðir, og er hann gagnkvæmur.

X. KAFLI

Skrásetning í símaskrána.

Hver talsímanotandi fær nafn sitt skráð ókeypis í einni línu í stafrófsskránni og í einni línu í númeraskránni, þar sem hún er.

Gjald fyrir hverja línu í stafrófsskránni fram yfir það, sem að ofan segir, er kr. 12.00. Séu auk aðalsímanotanda einn eða fleiri aukantendur að sama síma, ber að greiða kr. 30.00 fyrir hvern aukantanda. Aukasímanotendur geta ekki öðlast aðalsímanotendarétt (t. d. rétt til að fá símann fluttan eða skráðan eingöngu á sitt nafn) án þess að greiða uppsetningargjald fyrir númerið að nýju eða viðtökugjald, enda hefur landssíminn einn umráðarétt símans. Breytir engu í þessu, þó að auka-símanotandi hafi um lengri eða skemmri tíma haft nafn sitt í símaskránni eða greitt afnotagjaldið.

Skrásetning í stafrófsskrána.

1. Feitt letur í skrá, hver lína	kr. 25.00
2. Aukanafn í skrá	— 30.00
3. Aukalínur í skrá, hver lína	— 12.00
4. Aukanafn með feitu letri (1 lína) kr. 30.00 + kr. 25.00 =	— 55.00

Aukalínur eru taldar: ef t. d. fyrirtæki lætur skrásetja nöfn starfsmanna sinna í skrána undir nafni fyrirtækisins. Sé starfsmaður fyrirtækis ekki aðalsímanotandi og ekki skráður í skránni sem aukasímanotandi annars staðar en undir nafni fyrirtækisins (en ekki undir sínu nafni), skal reiknað fyrir það kr. 30.00 sem aukanafn.

Skrásetning í atvinnuskrána.

A. Ókeypis skrásetning.

Hver símanotandi, sem rekur atvinnu- eða verzlunarfyrirtæki og óskar skriflega eftir skrásetningu í atvinnu- og viðskiptaskrána, fær ókeypis eina línu til skrásetningar á símanúmeri sínu, ásamt nafni og heimilisfangi, með venjulegu letri í einn flokk skrárinnar. Aukasímanotendur öðlast ekki rétt til ókeypis skráningar.

B. Skrásetning gegn borgun.

Ef símanotandi vill láta skrá sig í fleiri en einn flokk eða skrá fleiri en eitt símanúmer við nafn sitt, kostar hver skrásetning fram yfir þá fyrstu kr. 7.00. Ef nafnið óskast skráð með feitu letri, kostar það kr. 15.00. Skáletursauglýsingalínur við nafn kosta kr. 18.00 fyrir hverja línu.

XI. KAFLI

Almenn ákvæði.

A. Stofnun og rekstur landssímastöðva og samband þeirra við talsímanotendur o. fl. Þegar landssímastöðvar eru stofnsettar, gilda að jafnaði eftirfarandi almenn ákvæði um rekstur þeirra:

1. Landssímastöðvum þeim, er hér um ræðir, er skipt í 3 flokka, 1. flokk B, 2. flokk og 3. flokk, og eru þær venjulega opnar eftir flokkum 10, 6 og 2 stundir hvern virkan dag.
2. Stöðvarstjórinn sér stöðinni fyrir húsnæði, ljósi, eldsneyti, ræstingu, nema öðruvisi sé um samið, svo og starfrækslu, er póst- og símamálastjórnin tekur gilda, enda sé leitað samþykkis hennar á ráðningu afgreiðslumanua.
3. Skuldbindingin um starfræksluna nær til allra þeirra símasambanda, er póst- og símamálastjórnin kann að leggja út frá símastöðinni.

4. Stöðvarstjórar eru skyldir til, þegar þess er krafizt, að fara sjálfir eða láta 41
fara með símalínunum til að bæta skemmdir, er orðið hafa á þeim, gegn venju- 21. apríl
legu tímakaupi.
 5. Kostnaður við flutning stöðva verður því aðeins goldinn af landssímanum, að
hann fari fram vegna landssímans sjálfs.
 6. Stöðvarstjóra ber að senda símskeyti, sem berast til stöðvarinnar, án sérstaks
endurgjalds allt að einum kílómetra frá stöðinni. Ef skeyti eiga að fara lengra,
greiðir sendandi kr. 3.00 fyrir hvern byrjaðan kílómetra fjarlægðarinnar. Þetta
gildir um fjarlægð, er nemur allt að 10 km, undir venjulegum kringumstæðum.
Þegar vegalengdin er meiri, skal greiða hæfilegan burðareyri, er ákveðinn er
eftir fyrirspurn í hvert einstakt skipti. Þótt ekki sé greitt fyrir sendiferð með
símskeyti, ber stöðvarstjóra að greiða fyrir því, að símskeytið komist til við-
takanda svo fljótt sem unnt er, t. d. með því að sæta tækiferisferðum eða láta
vita af því í síma eða á einhvern annan hátt.
- Ef senda þarf eftir mönnum til viðtals í talsíma innan eins kílómetra frá
stöðinni, greiðir samtalsbeiðandi kr. 3.00 fyrir sendiferðina. Ef vegalengdin er
meiri en 1 kílómetri, greiðist sama gjald og fyrir útburð símskeyta.
7. Ekki mega aðrir afgreiða samtöl eða símskeyti en þeir, er undirskrifað hafa hið
lögboðna þagnarheit símamanna.
 8. Stöðvarstjórar skulu gera mánaðarlega reikningsskil innan 15. dags næsta
mánaðar á eftir og að öðru leyti hlíta þeim reglum og fyrirætlum, sem póst-
og símamálastjórnin setur.

B. Skilmálar fyrir talsímanotendur landssímans.

1. Sá, sem óskar að fá talsíma eða að fá breytt sambandi eða aukið samband, er
hann hefur áður fengið, tilkynnir það forstjóra talsímastöðvarinnar, og skal
hann þá hlíta þeim kjörum og ákvæðum, sem sett eru eða sett kunna að verða
um notkun símanna.
2. Landssíminn kemur venjulega ekki á símasambandi við nokkra húseign, nema
húseigandi leyfi endurgjaldslausu að koma fyrir þráðum og öðrum símatækj-
um á húsi og lóð, og ber þeim, er pantar sambandið, að sjá um, að slíkt leyfi
húseiganda fái. Landssíminn getur og heimtað, að talsímanotendur setji trygg-
ingu fyrir greiðslu allra gjalda fyrir afnot símans.
3. Enginn má sjálfur gera eða láta gera neinar breytingar á talsímasamböndum
eða flytja talfærin úr stað. Öll slík verk lætur landssíminn framkvæma eftir
beiðni, en notandi greiði það gjald, sem ákveðið er. Allir nýir símar eða tal-
símasambönd í kaupstöðum eða kaupstúnum eru eign landssímans, en notendur
greiði stofngjald og afnotagjald. Starfsmenn landssímans hafa hvenær sem er
aðgang að öllum símatækjum og símalögnum.
4. Talsímanotendum er skylt að fara vel og gætilega með öll símatæki og lagnir,
er þeir hafa til afnota, og bera þeir ábyrgð á öllum skemmdum á tækjum, er
ekki stafa af eðlilegu sliti. Notanda er enn fremur skylt að hafa símatæki og
innanhússlagnir váttryggð á sinn kostnað fyrir eldshættu, og ber honum að
greiða landssímanum tryggingarupphæðina, ef tækin eða lagnir eyðileggjast og
hlutfallslega fyrir skemmdir, enda á landssíminn beinan rétt til váttryggingar-
fjárins. Váttryggingarupphæðin er kr. 950.00 fyrir venjulegan síma, en fyrir
önnur tæki verður hún ákveðin sérstaklega.

Stranglega er bannað að setja nokkur tæki eða útbúnað í samband við tæki
landssímans, t. d. talfærarnúrur o. þ. h., enda hefur landssíminn að sjálfsögðu
rétt til að taka allan slíkan útbúnað burtu og láta viðkomandi sæta sektum, ef

41
21. apríl

- ástæða þykir til. Enn fremur er bannað án sérstaks leyfis frá landssímanum að láta aðra en landssímamann annast sóttþreinsun talfæra.
5. Ef eitthvað verður að talfærum, ber þegar í stað að tilkynna það símastjóranum, er sér um, að gallarnir verði lagfærðir svo fljótt sem unnt er. Landssíminn ber ekki ábyrgð á því, þótt sími slitni eða verði ónothæfur um stund, nema það sé beinlínis honum að kenna eða óþarfur dráttur verði á viðgerð símans. Má þá heimta endurgreiðslu á afnotagjaldinu í hlutfalli við þann tíma, er síminn er ónothæfur, ef sambandsslitin taka yfir meira en 10 sólarhringa á ári.
 6. Enginn talsímanotandi má lána, leigja eða selja öðrum afnot talsímans nema með leyfi landssímans. Sé það engu að síður gert, getur landssíminn slitið sambandinu, en notandi borgar samt afnotagjaldið til þess tíma, er hann hefði löglega getað sagt því upp.
 7. Þeir, sem af ásettu ráði eða gálauslega valda skemmdum á símum eða tækjum símans, sæta sektum samkvæmt 296. gr. hegningarlaganna, nema verknaðinum sé þannig farið, að þyngri refsing liggji við samkvæmt lögum.

C. Greiðsluskilmálar.

1. Gjald fyrir símtöl í sambandi við langlínur landssímans greiðist landssímanum eftir reikningi, og ber talsímanotandi ábyrgð á borguninni fyrir hvert slíkt samtal, sem fram fer frá hans talfæri, hvort sem hann hefur sjálfur beðið um samtalið eða aðrir. Gjaldið greiðist í fyrsta skipti, er þess er krafist.
2. Sé eitthvert gjald til símans ekki greitt í síðasta lagi viku eftir gjalddaga, má slíta talsímasambandinu, en skuldunautur er samt skyldur til að greiða gjaldið til þess tíma, er hann hefði löglega getað sagt upp sambandinu, og er það þá þegar fallið í gjalddaga. Skuldunautur á því aðeins rétt til að fá aftur talsímasambandið, að hann greiði hið áfallna gjald innan þriggja daga eftir að sambandinu er slitið. Séu símagjöld eigi greidd á réttum tíma, verða þau tekin lög-taki samkvæmt 1. gr. laga 16. desember 1885.

D. Leigutími.

Engin símataeki verða leigð til skemmri tíma en eins árs, er telst frá byrjun næsta ársfjórðungs eftir, að símasambandið er fullgert. Þegar ræða er um samband fyrir utan kaupstaðarlóð eða samband með sérstöku fyrirkomulagi, getur landsíminn heimtað, að skemmstur leigutími sé lengri.

E. Uppsögn.

Að skemmsta leigutíma liðnum má segja sambandinu upp um ársfjórðungsmót með 2 mánaða fyrirvara, nema þar, sem sérákvæði gilda, og skal uppsögn vera skrifleg.

F. Flutningur.

Ef talsímanotandi þarf að láta flytja símataeki þau, er hann hefur til afnota, skal hann skriflega tilkynna það símastjóranum, sem því næst lætur framkvæma flutninginn svo fljótt sem unnt er, en notandi greiðir hið ákveðna gjald. Gjaldið fyrir flutninginn greiðist fyrir fram.

G. Símaskráin.

Landssíminn leggur hverjum leigusíma til 1 eintak af hverri útgáfu símaskrárinnar. Landssíminn ber ekki ábyrgð á villum, sem kunna að vera í símaskránni.

XII. KAFLI

Gildistaka.

41

21. apríl

Gjaldskrá þessi og reglur er sett samkvæmt 12. gr. laga nr. 30 1941, um fjar-skipti, og gengur í gildi 1. maí 1950. Falla þá jafnframt úr gildi fyrri gjaldskrár-ákvæði fyrir landssímann.

Póst- og símamálaráðherra, 21. apríl 1950.

Björn Ólafsson.

Guðmundur Hliðdal.

REGLUGERÐ

42

3. marz

um breyting á fjallskilareglugerð fyrir Skagafjarðarsýslu, nr. 89 16. ágúst 1935.

1. gr.

Í stað 12. gr. komi ný grein, er orðist svo:

Ef hross ganga úr afrétti á sumrum í búfjárhaga getur sá, er fyrir ágangi verður, gert hreppsnefndinni þar í hreppi aðvart um það. Skipar hún þá fyrir um smölun hrossanna og rekstur til afréttar. Kostnað við smölun og rekstur borgar landráðandi að $\frac{1}{4}$ en $\frac{3}{4}$ greiðist úr fjallskilasjóði eða sveitarsjóði upprekstrar-félagsins tiltölulega við það, sem hver hreppur leggur til sameiginlegra fjallskila, nema öðruvísi sé um samið.

Þessi ákvæði gilda sumar hvert, þar til vika er til gangna.

2. gr.

15. gr. orðist svo:

Fjallskilaskyldur er hver fjáreigandi, hvort sem hann er búandi eða búlaus. Skal hann leggja til fjallskila á þann hátt, sem hreppsnefnd fyrirskipar. Hreppsnefnd skal og hafa rétt til að leggja fjallskil á búendur og umráðamenn þeirra jarða, þar sem framfleytt er litlum eða engum afréttarpeningi, ef þess telst brýn þörf. Álagningin skal miðast við landverð samkvæmt fasteignamati og má fjallskilagjaldið aldrei vera hærra en 3 af þúsundi, að viðbætti gildandi verðlags-vísitölu.

Nægi niðurjafnað gjald samkvæmt þessu ekki til að standa straum af kostnaði við nauðsynleg fjallskil, skal heimilt að taka það, sem á vantar með niðurfjónun útsvara.

3. gr.

Aftan við 61. gr. komi ný málsgrein, svo hljóðandi:

Þegar sérstaklega stendur á skal sýslunefnd heimilt, með fundarsamþykkt, að fresta prentun markaskrár, eftir því sem hún telur við eiga.

Reglugerð þessi, sem er samin og samþykkt af sýslunefnd Skagafjarðarsýslu og sett samkvæmt sveitarstjórnarlögum nr. 12 frá 31. maí 1927, staðfestist hér með til að öðlast þegar gildi, og birtist til eftirbreytni öllum þeim, er hlut eiga að máli.

Landbúnaðarráðuneytið, 3. marz 1950.

Jón Pálmason.

Árni G. Eylands.